

Chant au tour – chantauturas e chantauturs rumantschs sin turnea

Ils onns 2012 e 2014 ha Radioteleviun Rumantscha realisà duas turneas da concerts cun chantauturas e chantauturs rumantschs e documentà silsuenter ils inscunters musicals mintgamai sin discs cumpacts. La finamira è stada da mussar quant pulsanta e multifara che questa scena sa preschenta entaifer la musica rumantscha. A medem temp han ils concerts possibiliteit inscunters nunusitads e surprendents – tant tranter las chantauturas ed ils chantauturs sco er cun interpretar chanzuns che na tutgan betg exnum tar il repertori usità. Il 2014 han ins ultra da quai integrà in instrumentari nunusitad ch'ha tanschi da la musica populara sur il jazz fin a la musica classica.

Chant au tour – ina sort «All-Star-Band»
Lain dar l'emprim il pled al criticher da musica Benedetto Vigne ch'ha scrit il suandard text sco survista e facit da Chant au tour: «Il prüm ch'f es gnü sarà stat ün chatschader». Uschia cumenza «Engiadina», ina da las pli enconuschenas chanzuns da l'emprim chantautur Paulin Nuotclà, ina chan-

zun dals onns 1970 ch'è daventada quasi in imni alternativ per l'Engiadina, tractà en cudeschs da scola ed interpretà da bands da rock indigenas da las generaziuns posteriuras. En las valladas rumantschas cun lur ferma tradizion da musica da chor, eran figuras sco Nuotclà exoticas, ma da la giuentetgna da lez temp en lur chanzuns vegnidias renconuschidas e surpigliadas per crear ina nova identitat e strategia da survivor. E las atgnadadas da la lingua rumantscha, cun ses blers diftongs, cun ses suns e tuns e cun sias fermas silbas finalas, gievan bain a prà cun il groove da folk, pop e rock.

Adina puspe han ins empruvà d'unir ils novs moviments, da promover il spiert da cuminanza – cunzunt er cun quels da l'autra vart da la muntogna, cun quels da l'auter idiom, da l'autra religiun. Il «Festival dalla musica romontscha» che fluriva ils onns 1980 a Mustér deva ferms impuls. Or da quel è naschida la band da hardrock sursilvana Hades, il bard Linard Bardill ha gî qua sias emprimas represchentaziuns. Ma bainprest hai dà emprovas da sa distinguier, da sa distanziar. La fin dals onns 1990 ha ina gruppera da giuvens che vuleva sa distanziar sapientivamain da la garda pli veglia, produci la cumpilazion «Revoluziun». En quest ambient è sa formada la band da hip-hop Liricas Analas ch'è entant enconuschenza en l'entira Svizra.

La punt tranter generaziuns ed idioms han lura fatg las revistas da cover



Ils participants dal concert final a Friburg, ils 29 da novembre 2014.

FOTO: RTR

ch'èn sa furmadas l'entschatta dals onns 2000 enturn ils Dis da litteratura rumantschs, inclusiv il tribut als Beatles «Lain Fabular». Da quest è er sortida in'entira retscha d'impuls novs: Il Radio Rumantsch, ch'è oramai da la partida sco partemari da medias tar tut ils eveniments musicals, producescha regularmain songs da pop surtut cun vuschs novas. Intgins onns pli tard han Manfred Zazzi e Michel Decurtins, omadus freaks d'electronica, fundà il label da CD R-Tunes per metter a disposiziun ina plattaforma da portatuns communabla al dumber crescent da musicists da pop rumantschs.

Per reactivar l'idea dal festival ha il Radio Rumantsch inventà l'onn 2012 ina furma nova per la preschentaziun en directa: Sur il titel «Chant au tour» va l'entira rotscha da vuschs rumantschas, veterans e newcomers, sin turnea unplugged, en differents lieus en ed ordaifer il chantun. Tut segund il lieu varieschan constellaziun, tema e cooperaziun musicala. E puspe è la manifestaziun in punct culminant tant musical sco er emzoinal.

La seconda ediziun da «Chant au tour» l'onn 2014 è vegnida midada in pau: La turnea è vegnida accumpagnada alternant d'in ensemble da musica populara, da musica da jazz e da musica classica. Perquai han ins er reduci il dumber da las persunas che chantan. Mo set represchentants da la garda giuvna èn questa giada stads sin tribuna: Pascal Gamboni, ex-Passiunai e raquintader laconic da Tujetsch, cun ina tendenza al timbre oasic (enconuschen) er tras sias represchentaziuns cun l'autur Arno Camenisch), lura Gomas «Tartaruga» Cathomen, Rumantsch da l'exterior, dal Mexico, in gourmet musical cun tuns fins latin americanas, er Ursina da Mustér, multiinstrumentalista filigrana, introspectiva che sa moveva tranter jazz e flair dal nord, tranter rumantsch ed englais e lura Bibi Vaplan da Scuol, anteriura musicista da punk, cun conservatori, che suna il piano impressiunistic e spargnus cun bun dun d'observaziun. Er da la partida Mario Pacchioli, anteriur vice-musicstar ed entant da chasa a Paris sco chantadur ed actur, daventà adina pli glischant en l'expressiun. Daspera sia partenaria da musica temporara Astrid Alexandre, chanzuniera siemiadra poliglotta ch'ha organisà logisticamain l'entira tura da Chant au tour. E la fin finala il chantautur Cha da Fö da Scuol, da chasa in bleras furmaziuns, sul sulet sco solist, che picla a la moda da Neil Young tranter blues e grunge. E ch'è dal reminent chatschader passiunà.

Turnea 2012: La scena da chantauturas rumantschAs – pulsanta e multifara
La scena da chantauturas rumantschAs exista e viva. Ella è pulsanta e multifara. La retscha da concerts «Chant au tour», organisada da RTR, ha gî l'intenzion da

preschentat questas chantauturAs sin la medema tribuna. Uschia èn vegnidis realisads il 2012 5 concerts en 5 lieus cun 25 artistAs.

Cun «Chant au tour» ha RTR organisà per l'emprimida giada in'entira turnea da concerts, e quai ina ch'ha porschì ina spierta nunusitada e nova. En rom da «Chant au tour» han chantauturas e chantauturs rumantschs chantà lur atgnas chanzuns, chanzuns d'auters u er chanzuns novas. Sper ils chantauturs enconuschen er ordaifer la Svizra rumantscha han er concertà plirs chantauturs anc main enconuschen. Ina part dals chantauturs han chantà tar tut ils 5 concerts, auters mo en in unic lieu. Uschia hai er dà inscunters unics tranter ils chantauturs. Ils concerts han mussà quant vasta e multifara che la scena da chantauturAs rumantschAs è.

Ils concerts

Cuiria: Ils 24 da mars han ils 25 chantauturs rumantschs cumenza l'turnea sut il num «Chant au tour». Lur emprima preschentaziun è stada en la Werkstatt a Cuiria. Ina saira divertenta cun fitg bler variaziun.

Zuo: Sonda, ils 26 da matg èn sa preschentads Astrid Alexandre, Bibi Vaplan, Corin Curschellas, Curdin Nicolay, Mario Pacchioli, Pascal Gamboni, Paulin Nuotclà e Cha da Fö en il Globe dal Lyceum Alpinum a Zuo. Tranteren ha Arno Camenisch prelegi da ses texts.

Glion: Venderdi, ils 17 d'avust da chaleras baud tropicas han concertà Pascal Gamboni, Astrid Alexandre, Corin Curschellas, Linard Bardill, Conratin Klaiss, Gion Andrea Casanova, Alice Bertogg, Theo Demund, Alexi Nay e Marcus Hobi e Cha da Fö. Tranteren ha Arno Camenisch prelegi da ses texts.

Tusaun: Venderdi, ils 23 da novembre han Olivia Spinatsch, Mario Pacchioli, Linard Bardill, Corin Curschellas, Cha da Fö, Bibi Vaplan, Benedetto Vigne ed Astrid Alexandre concertà en il Teater Stadelhofen a Turitg. Tranteren ha Arno Camenisch prelegi da ses texts.

Tusaun: Venderdi, ils 23 da novembre han Olivia Spinatsch, Mario Pacchioli, Linard Bardill, Corin Curschellas, Cha da Fö, Bibi Vaplan, Benedetto Vigne, Astrid Alexandre ed Arno Camenisch concertà en il Kino Rätia a Tusaun. Er da la partida è stada Paula Cadonau ch'ha guadagnà la concurrenz «Chanta er ti!»

Il disc cumpact

RTR ha registrà ed emess ils concerts da la turnea. Sco finiziun è vegnì preschentà il decembre 2014 il disc cumpact «Chant au tour 2014». Sin quest disc chattan amaturi da musica 14 registraziuns «live» – tranter quellas er chanzuns novas anc mai udidas e registradas. Sco bonus cuntegna il disc sper las registraziuns fatgas als concerts er las trais chanzuns da promozion da la turnea: «Steilas els egls» (Pascal Gamboni ed Ursina cun ils musicists da musica populara), «Ella ei» (Tartaruga e Cha da Fö cun ils jazzers) e «L'epoca» (Mario Pacchioli ed Astrid Alexandre cun ils musicists da musica classica).

Il disc è ina bella retrospectiva dals concerts e da las collauraziuns unicas naschidas entras quest project. Sper quai è el er ina perdita dal fatg che la scena da musica rumantscha è pli activa e creativa che mai e che divers stils da musica pon ir bain a prà in cun l'auter e ch'els èn schizunt buns da sa complettar.

La bilantscha

Astrid Alexandre, producenta RTR dal project «Chant au tour», ha fatg bilantscha cun ils musicists Ursina Giger, Roland Vögeli (Cha da Fö), Thomas Cathomen (Tartaruga) e Mario Pacchioli.

RTR: Tgeninas eran vossas temas avant «Chant au tour 2014»?

Tartaruga: In faktur da stress era la dumonda dal scriver notas. In auter la cumpatibilitad musicala dals differents geners.

Cha da Fö: Jau sun ma dumandà, sche quai giaja cun traïs bands senza survegnir pli gronds problems in cun l'auter. Mintgin lavura in zic auter... La finala avain nus simplamain fatg musica ed igli ha funcziunà.

Mario Pacchioli: Il fatg d'arranschar chanzuns en stils da musica che n'en betg propri ils agens.

RTR: Vus avais mintgamai lavurà ensemes cun musicists d'auters geners da musica. En tge stil es ti ta senti il meglier?

Ursina Giger: Tar il jazz era jau segira che quai funcziunia. Ma jau sun stà surstada quant bain che mias chanzuns han funcziunà cun musicists classics!

Tartaruga: Las sairias «populares» èn stadas quellas cun il pli ferm effect da reveaziun! Igl ha vali la paina d'avair curaschi!

Cha da Fö: Classic è stà il pli bel! Ils musicists, ils lieus, nus chantauturs – tut è stà pli bel!

RTR: Tge è stà il pli grev?

Mario Pacchioli: Essend che jau era a Paris, n'hai jau betg pudì m'inscuntrar ordavant per exercizis. Uschia ha tut gî lieu per e-mail. Igl ha funcziunà, na remplazza dentant betg ina vaira emprova.

Ursina Giger: Restar ruassaivla, laschar far e betg er anc dar mes commentari. Quai dovrà, sche tants èn involvids!

RTR: Dus concerts han gî lieu ordaifer la Rumantschia. Co è quai stà?

Ursina Giger: I fa bain da sa preschentat ordaifer la Rumantschia. Quai duess restar ina finamira, er sch'i n'è betg simpel. Mo uschia pertschaivan las ulteriuras parts linguísticas nus.

Cha da Fö: Il concert a Friburg è stà il pli bel da la turnea! Igl ha fatg bain da sunar ina giada en la Svizra franzosa.

RTR: Tgenina è tia bilantscha persunala e musicala da questa turnea?

Mario Pacchioli: Jau hai giudi da vesair che nostra musica rumantscha è da qualitad.

Ursina Giger: Già «Chant au tour 2012» aveva reunì blers musicists rumantschs. Quai è il pli bel vi da quest project – per mai sco musicista e sco persuna.

Tartaruga: Bellezza experientscha! La laver cun tschels chantauturs è stada fitg inspiranta.

Cha da Fö: Fitg cool. Nus essan stads in team!

Il disc cumpact

RTR ha registrà ed emess ils concerts da la turnea. Sco finiziun è vegnì preschentà il decembre 2014 il disc cumpact «Chant au tour 2014». Sin quest disc chattan amaturi da musica 14 registraziuns «live» – tranter quellas er chanzuns novas anc mai udidas e registradas. Sco bonus cuntegna il disc sper las registraziuns fatgas als concerts er las trais chanzuns da promozion da la turnea: «Steilas els egls» (Pascal Gamboni ed Ursina cun ils musicists da musica populara), «Ella ei» (Tartaruga e Cha da Fö cun ils jazzers) e «L'epoca» (Mario Pacchioli ed Astrid Alexandre cun ils musicists da musica classica).

Il disc è ina bella retrospectiva dals concerts e da las collauraziuns unicas naschidas entras quest project. Sper quai è el er ina perdita dal fatg che la scena da musica rumantscha è pli activa e creativa che mai e che divers stils da musica pon ir bain a prà in cun l'auter e ch'els èn schizunt buns da sa complettar.

La preschentaziun:

Dossier «Chant au tour».

Dapli informaziuns:

chatta.ch/?hiid=4561

www.chatta.ch

Las chantauturas ed ils chantauturs